

Tarikh Dibaca: 05 OGOS 2016

KHUTBAH JUMAAT

Tajuk:

***“ISTIQAMAH DENGAN ISLAM DALAM
MENGHADAPI UJIAN”***

***Terbitan:
Unit Khutbah
Bahagian Pengurusan Masjid
JABATAN AGAMA ISLAM SELANGOR***



SENARAI AHLI JAWATANKUASA KHUTBAH NEGERI SELANGOR 2016

- 1. SS. Dato' Haji Haris Bin Kasim (Pengerusi)
Pengarah Jabatan Agama Islam Selangor**
- 2. Tuan Haji Ahmad Zaki Bin Arsad (Timbalan Pengerusi)
Timbalan Pengarah Jabatan Agama Islam Selangor**
- 3. SS. Dr. Haji Anhar Bin Haji Opir (Ahli)
Timbalan Mufti, Jabatan Mufti Negeri Selangor**
- 4. Tuan Haji Idris Bin Ramli (Setiausaha)
Ketua Penolong Pengarah, Bahagian Pengurusan Masjid, JAIS**
- 5. Yg. Berbahagia Prof. Madya Dr. Osman Bin Sabran (Ahli)**
- 6. Tuan Haji Sianid Bin Mokim (Ahli)**
- 7. Tuan Haji Hamid Bin Md Isa (Ahli)**
- 8. Tuan Haji Md. Sahari Bin Abdullullah (Ahli)**
- 9. Tuan Haji Abdul Halem Hapiz Bin Salihin (Ahli)**
- 10. Ustaz Muhammad Farhan Bin Wijaya (Ahli)
Imam Besar Masjid Sultan Salahuddin Abdul Aziz Shah**
- 11. Ustaz Indera Shahril Bin Mohd Shahid (Ahli)
Majlis Agama Islam Selangor**
- 12. Ustaz Hairol Azmi Bin Khairudin (Urusetia)
Penolong Pengarah Unit Khutbah, BPM, JAIS**





“ISTIQAMAH DENGAN ISLAM DALAM MENGHADAPI UJIAN”

الْحَمْدُ لِلَّهِ الْقَائِلِ أَحْسِبَ النَّاسُ أَنْ يُتْرَكُوا أَنْ يَقُولُوا
ءَامِنًا وَهُمْ لَا يُفْتَنُونَ ﴿٢﴾
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
أَجْمَعِينَ. أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ
اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ
وَلَا تَمُوتُنَّ إِلَّا وَأَنْتُمْ مُسْلِمُونَ.



Muslimin yang dirahmati Allah sekalian,

Marilah kita bertaqwa kepada Allah SWT dengan sebenar-benar taqwa. Iaitu melaksanakan segala suruhannya dan meninggalkan apa yang dilarang. Mudah-mudahan kita semua tergolong di kalangan orang berjaya di dunia apatah lagi di akhirat. Ingatlah sungguh-sungguh bahawa keingkaran kita kepada Allah SWT hanya akan merugikan diri kita sendiri.

Pada hari ini ingin saya mengajak para jemaah semua menghayati khutbah yang bertajuk **"ISTIQAMAH DENGAN ISLAM DALAM MENGHADAPI UJIAN"**.

Firman Allah SWT dalam surah al-ankabut ayat 3;

وَلَقَدْ فَتَنَّا الَّذِينَ مِنْ قَبْلِهِمْ^ص فَلْيَعْلَمَنَّ اللَّهُ الَّذِينَ
صَدَقُوا وَلْيَعْلَمَنَّ الْكٰذِبِينَ

"Dan demi sesungguhnya! Kami telah menguji orang-orang yang terdahulu daripada mereka, maka (dengan ujian yang demikian), nyata apa yang diketahui Allah tentang orang-orang yang sebenar-benarnya beriman, dan nyata pula apa yang diketahui-Nya tentang orang-orang yang berdusta".

Hadirin Jumaat sekalian,

Senario masa kini jelas menunjukkan bahawa banyak Negara umat Islam berhadapan dengan pelbagai krisis kehidupan. Sama ada krisis ekonomi, politik, sosial dan perang saudara yang tidak berkesudahan. Perkara ini diburukkan lagi dengan paparan media massa daripada luar dan dalam negara yang menggambarkan seolah-olah segala krisis ini hanya berlaku di Negara-negara umat Islam sahaja. Ditambah lagi dengan



melabelkan umat Islam sebagai umat yang tiada tamadun, agresif dan ganas bahkan seringkali juga umat Islam dikaitkan dengan aktiviti keganasan. -

Muslimin yang dirahmati Allah sekalian,

Oleh yang demikian itu adalah wajar untuk kita semua menyatakan Islam itu adalah benar tetapi yang berlaku sebenarnya adalah kita umat Islam sedang diuji dengan ujian yang amat dahsyat.

Adalah menjadi kewajipan kepada kita semua untuk memahami apa itu ujian?. Malah tidak salah untuk kita menyatakan bahawa kehidupan ini penuh dengan ujian. Makin kuat ujian yang mendatang maka sebenarnya makin terujilah iman seseorang itu di sisi Allah SWT. Maka orang yang paling hebat kedudukan imannya disisi Allah sudah tentulah di kalangan para Nabi dan Rasul yang banyak menerima ujian dalam misi dakwah mereka. Maka tidak hairanlah jika kita meniti sejarah maka orang yang paling layak dikedudukan yang paling tinggi di sisi Allah ialah Nabi kita Muhammad SAW. Sebab itulah Nabi Muhamad SAW bergelar sebagai Kekasih Allah iaitu kedudukan yang paling tinggi diberi oleh Allah kepada sekalian makhluknya. Maka seiring dengan kedudukan itulah disebabkan ujian yang ditanggung oleh Baginda Rasulullah SAW sangat berat, maka Baginda Rasulullah SAW digelar sebagai Ulul Azmi.

Saad Bin Abi Waqqas pernah bertanya kepada Nabi Muhammad SAW tentang manusia yang paling dahsyat ujiannya. Maka Nabi SAW bersabda yang bermaksud;

"Para nabi kemudian yang seumpama dengan mereka, kemudian yang seumpama dengan mereka. Sekiranya seseorang itu kuat dalam agamanya maka ujiannya pun semakin kuat, dan apabila seseorang itu lemah dalam agamanya maka dia (Allah) akan mengujinya sesuai kadar agamanya".



(Riwayat Ibnu Majah).

Hadirin Jumaat yang dirahmati Allah sekalian,

Oleh yang demikian betapa perlunya kita fikirkan bahawa semua perkara yang mendatang itu sebagai ujian. Ujian untuk menguji iman kita dan ujian ini bukan alasan untuk kita berpaling tadah dari keimanan yang sebenar. Biarlah apa pun tohmahan yang dilemparkan musuh-musuh Islam kepada umat Islam. Jangan kita merasa rendah diri dan merasa lemah hidup sebagai umat Islam. Ingatlah janji Allah hanya untuk orang-orang yang sabar menghadapi ujian yang datang dengan jiwa yang tenang sahaja akan mendapat balasan syurga Allah yang kekal abadi.

Firman Allah SWT dalam surah ali Imran ayat 139;

وَلَا تَهِنُوا وَلَا تَحْزَنُوا وَأَنْتُمْ الْأَعْلَوْنَ إِنْ كُنْتُمْ

مُؤْمِنِينَ ﴿١٣٩﴾

"Dan janganlah kamu merasa lemah (dalam perjuangan mempertahankan dan menegakkan Islam), dan janganlah kamu berdukacita (terhadap apa yang akan menimpa kamu), padahal kamulah orang-orang yang tertinggi (mengatasi musuh dengan mencapai kemenangan) jika kamu orang-orang yang (sungguh-sungguh) beriman".

Muslimin yang dirahmati Allah sekalian,

Kita adalah umat yang sentiasa istiqamah berjuang untuk mencari kebenaran berlandaskan Al-Quran dan As-Sunnah. Perjuangan dalam menempuh ujian tanpa mengenal erti putus asa adalah asas kejayaan umat Islam. Sejarah telah membuktikan bahawa kesan daripada ajaran Islam yang



meresap dalam jiwa-jiwa umat Islam menjadikan kita dihormati. Malah dengan semangat iman yang berkobar-kobar inilah kesinambungannya telah berjaya mencetuskan tamadun manusia dengan wujudnya khalifah Islam dan berjaya mengemudi dunia hingga sampai ke puncaknya. Semangat inilah perlu kita ambil untuk dijadikan pedoman agar segala ujian yang mendatang tidak melemahkan semangat kita.

Hadirin Jumaat sekalian,

Sudah tiba masanya kita umat Islam untuk menyusun langkah dengan membulatkan tekad untuk bangkit dari segala fitnah mereka yang memusuhi Islam. Ujian yang datang marilah kita hadapinya dengan mengikut jejak Rasul dan para sahabatnya agar kita sentiasa pada landasan iman yang benar. Hanya jalan yang ditunjukkan oleh Allah dan Rasul serta para sahabatnya sahaja akan menghindarkan kita daripada melakukan kekufuran apabila berhadapan ujian dan dugaan. Kehadiran ujian itu sebenarnya adalah jalan untuk Allah menguji kita agar dikurniakan balasan syurga yang abadi. Pandanglah ujian hidup itu dengan sangkaan yang baik kerana itu adalah hikmah di sisi Allah. Umat Islam juga sewajarnya kembali menghayati Al-Quran dan As-Sunnah dengan panduan para Ulama sebagai sumber rujukan.

Sewajarnya kita memahami bahawa setiap yang berlaku mesti diambil iktibar dan jalan penyelesaiannya. Carilah titik pertemuan dalam menyelesaikan sebarang masalah yang melanda ummah bukan mencari titik perbezaan yang mengundang fitnah lalu punah dan musnah. Kekuatan kita hanya pada Iman yang dibina melalui Islam. Kita menyedari bahawa cabaran masakini yang berkaitan ideologi dan kepimpinan yang dihadapi oleh umat Islam menyebabkan perpecahannya telah diambil kesempatan. Berpadulah dan beriringanlah untuk menjadi Khaira Ummah untuk menuju ke jalan Allah



tanpa mengira ujian yang datang dan pergi silih berganti umpama malam dan siang.

Muslimin sekalian,

Mengakhiri khutbah ini umat Islam disarankan agar dapat mengambil langkah-langkah berikut;

1. Umat Islam hendaklah meyakini bahawa semua ujian itu datang daripada Allah untuk menguji kekuatan iman seseorang.
2. Umat Islam hendaklah sentiasa tabah dan redha ketika menempuh ujian yang menimpa.
3. Umat Islam hendaklah sentiasa berusaha, berdoa dan bertawakal kepada Allah SWT untuk mendapatkan yang terbaik untuk menjadi Khairu Ummah.
4. Umat Islam hendaklah mengambil iktibar dan pengajaran melalui ujian-ujian yang ditempuhi.

أَعُوذُ بِاللَّهِ مِنَ الشَّيْطَانِ الرَّجِيمِ
يَا أَيُّهَا الَّذِينَ ءَامَنُوا أَصْبِرُوا وَصَابِرُوا وَرَابِطُوا وَاتَّقُوا
اللَّهَ لَعَلَّكُمْ تُفْلِحُونَ

"Wahai orang-orang yang beriman! Bersabarlah kamu (menghadapi segala kesukaran dalam mengerjakan perkara-perkara yang berkebjikan), dan kuatkanlah kesabaran kamu lebih daripada kesabaran musuh, di medan perjuangan), dan bersedialah (dengan kekuatan pertahanan di daerah-



daerah sempadan) serta bertaqwalah kamu kepada Allah supaya, kamu berjaya (mencapai kemenangan)".

(Ali- Imran ; 200).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ ،
أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Pada masa yang sama kita juga disaran supaya menjauhi sebarang bentuk fahaman sesat dan perbuatan ekstrim yang kesannya akan menjejaskan keharmonian, perpaduan dan keselamatan ummah dan Negara.



Dengan itu kita mengutuk apa-apa perbuatan yang mengancam serta menggugat keamanan dan keselamatan seperti rampasan kuasa, gerakan militan, cubaan pengeboman berani mati dan lain-lain lagi. Oleh itu, umat Islam hendaklah berwaspada terhadap anasir-anasir tertentu yang meracuni dan mempengaruhi para pelajar untuk melakukan perbuatan ganas di mana-mana sahaja terutama di tempat-tempat suci agama.

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا
الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ
صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ
الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ
وَأَزْوَاجِهِ وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.
اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،
وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعُظْمَى



أَنْ تَحْفَظَ بَعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصَّمَدَانِيَّةِ، جَلَالَةَ مَلِكِنَا الْمُعَظَّمِ سُلْطَانَ
سَلَاعُورَ، سُلْطَانَ شَرَفُ الدِّينِ ادريس شاه
الحاج ابن المرحوم سُلْطَانَ صَلَاحُ الدِّينِ عبد
العزیز شاه الحاج. اَللّٰهُمَّ اَدِمِ الْعَوْنَ وَالْهُدَايَةَ
وَالْتَّوْفِيقَ، وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ
سَلَاعُورَ، تَعَكَوْ اَمِيرِ شَاهِ ابْنِ السُّلْطَانَ شَرَفُ
الدِّينِ ادريس شاه الحاج فِي اَمْنٍ وَصَلَاحٍ وَعَافِيَةٍ
بِمَنَّكَ وَكَرَمِكَ يَا ذَا الْجَلَالِ وَالْاِكْرَامِ. اَللّٰهُمَّ اَطْلِ
عُمَرَهُمَا مُصْلِحِيْنَ لِلْمُوظَّفِيْنَ وَالرَّعِيَّةِ وَالْبِلَادِ،
وَبَلِّغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera



dan berkebajikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman kami, terimalah amalan kami, kukuhkanlah perpaduan kami, luaskanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, kami pohon kehadiranmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman.

Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain serta mewakafkan dan menginfakkan harta khususnya untuk Perbadanan Wakaf Negeri Selangor (PWS) dan Tabung Amanah Pembangunan Islam Selangor (TAPIS). Dengan amalan ini ya Allah, berkatilah hidup dan luaskanlah rezeki kami dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا آتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. عِبَادَ



اللَّهُ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذُكُرْكُمْ وَأَشْكُرُوهُ عَلَىٰ
نِعْمِهِ يَزِدْكُمْ، وَأَسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.